



# SOUTH FLORIDA HOTEL AND CULINARY EMPLOYEES WELFARE FUND

c/o NATIONAL EMPLOYEE BENEFIT ADMINISTRATORS  
2010 NW 150th Avenue, Suite 200, Pembroke Pines, FL 33028  
Toll Free 1-833-304-0380 Fax (954) 266-2079



**Pou:** Tout Anplwaye ki Kalifye  
**Soti nan:** Konsèy Administrasyon  
**Re:** South Florida Hotel and Culinary Employees Welfare Fund – Peryòd Enskripsyon

---

Pandan **15 avril 2026 – 5 jen 2026**, Otèl ak Kwinzin nan Sid Florida ap ouvri enskripsyon pou tout anplwaye ki kalifye pou asirans sante ak Fon an.

**TOUT PATISIPAN KI KALIFYE KA ENSKRI POU ASIRANS SA, OU KA FE CHANJMAN, ENSKRI DEPANDAN, RETIRE DEPANDAN, OU BYEN RETIRE TET OU NAN PLAN ASIRANS LA PANDAN SEZON SA A.**

Si ou ta vle fè chanjman nan pwoteksyon ou, ou byen depandan ou te enskri, **wap gin dwa pou fè sa pandan sezon enskripsyon 15 avril 2026 – 5 jen 2026.** Ou ka enskri sou entènèt ak / oswa deziyen yon Doktè Premye Swen (PCP) lè ou vizite sit entènèt sa a:

<https://www.nebainc.com/unitehere/>

Si ou vle, ou ka rele 1-833-304-0380 o ekri [uhenrollment@nebainc.com](mailto:uhenrollment@nebainc.com) pou mande yon papye aplikasyon.

Sonje pou mache avek kopi papye ke wap bezwen pou enskri depandan ou yo:

**MARI/MADAM:**

- Kat Sosyal Sekirite
- Sètifika Maryaj

**PATNÈ DOMESTIK:**

- Kat Sekirite Sosyal
- Fom Patenarya Domestik
- Wap bezwen 3 papye pou montre ke ou abite ansam

**DEPANDAN:**

- Kat Sosyal Sekirite
- Batistè
- Dokiman Adopsyon Legal (si sa aplikab)
- Papye tribinal ki sètifye depandans (si sa aplikab)

**Si w ap enskri nouvo depandan, dokiman sa yo dwe soumèt bay Direktè Administratif Kès la, NEBA, sinon ou p ap ka ajoute nouvo depandan w yo nan plan an.** Enfòmasyon sa yo ka bay atravè Upload sekirite

## **Posibilite pou Enskripsyon Espesyal**

Manm ki kalifye pou enskri nan plan sante a men ki chwazi pou pa fè sa, oswa ki chwazi pou pa enskri kèk nan depandan yo, dabitid oblije rete tann jouk yon Peryòd Enskripsyon pou fè chanjman. Men, ou gendwa pa oblije rete tann jouk Peryòd Enskripsyon an pou fè chanjman, nan sikonstans sa yo:

Si ou gen yon nouvo depandan akòz maryaj, nesans, adopsyon, oswa plasman pou adopsyon, ou gendwa kapab enskri tèt ou ansanm ak depandan ou yo. Men, ou dwe mande enskripsyon an 30 jou apre maryaj la, nesans lan, adopsyon an, oswa plasman pou adopsyon an. Si oumenm, oswa depandan ou (ankontan mari/madanm ou) vin kalifye pou yon sibvansyon asistans prim Medicaid onivo Eta oubyen nan yon pwogram asirans sante timoun onivo Eta konsènan pwoteksyon anba plan sa a, ou ka anmezi pou enskri tèt ou ansanm ak depandan ou yo nan plan sa a. Men, ou dwe mande enskripsyon an nan lespas 60 jou apre desizyon kalifikasyon pou oumenm oswa pou depandan ou yo pou asistans sa. Si w ap refize enskripsyon an pou tèt pa ou oswa pou depandan ou (ankontan mari/madanm ou) akòz lòt asirans sante oswa plan asirans sante gwoup, ou ka anmezi pou enskri tèt ou ak depandan ou nan plan an si oumenm oswa depandan ou pèdi kalifikasyon nan lòt plan asirans la (oswa si anplwayè a sispann kontribye nan lòt plan asirans ou an oswa pa depandan w yo). Men, ou dwe mande enskripsyon an nan lespas 30 jou apre lòt plan asirans ou an oswa pa depandan w yo fini (oswa apre anplwayè a sispann kontribye nan lòt plan asirans lan).

Si ou refize enskripsyon pou tèt ou oswa pou yon depandan ki kalifye (ankontan mari/madanm ou) pandan plan asirans Medicaid oswa pwoteksyon asirans nan yon pwogram asirans sante pou timoun onivo Eta anvigè, ou ka anmezi pou enskri tèt ou ak depandan w nan plan an sizoka oumenm oswa depandan w yo pèdi kalifikasyon pou lòt plan asirans sa. Men, ou dwe fè demann enskripsyon an nan lespas 60 jou apre plan asirans ou an oswa pa depandan w yo fini nan Medicaid oswa pwogram asirans sante pou timoun onivo Eta a. Pou w jwenn plis enfòmasyon, kontakte Biwo Kès la nan 1-833-304-0380.

## **Vizite kòd QR ki anba a pou kòmanse!**

